

Galicia Encantada



ANIVERSARIO
2005  2025
Enciclopedia de Fantasia Popular de Galicia

Fauna

CATEGORÍAS RELACIONADAS

Fonte do Buraco

Na fonte do Buraco, en Reibón, parroquia de Meira, concello de Moaña (Pontevedra), cando o sol brillaba intensamente no monte da Paralaia (situado ao oeste da fonte) saía unha princesa moi fermosa a peitear os seus cabelos cun peite de ouro.

Un día que pousou o peite nun penedo, un porco que andaba a fozar por alí fuxiu con el na boca. Xa na casa dos seus amos, estes decatáronse de que o peite era de ouro e, pretendendo facerse con máis, mandárono de volta coa intención de que os levase ao lugar onde o collera.

Pero da princesa non quedaba nin rastro e ao matrimonio, dende entón, nunca máis lle foi ben.

[Lenda remitida por Soledad Ríos Santomé, de Moaña (Pontevedra). Recollida de Isabel Del Río Santomé (74 anos) a quen, á súa vez, lla contara o seu pai, quen, de vivir nesta altura, pasaría dos 120 anos]

COMENTARIOS ENVIADOS

Quen visite o Castelo de San Paio de Narla en Friol, poderá oír a historia de Dona Catalina foi a dona de Vasco de Seixas, o señor da Fortaleza, un home violento que empezou a tratar mal a súa muller. Ela aguantaba resignadamente e Vasco de Seixas que quería desfacerse de ela, acosouna de ser infiel e simulando celos

asesinoua Vasco de Seixas deulle unha puñalada e logo fuxiu ao Reino de Portugal. Os restos da difunta Catalina que foi enterrada no mosteiro de Sobrado, puxeron os feitos de seu pai que pidiu a Real Audiencia da Coruña investigase os feitos cando desenterraron o cadaver o corpo non estaba nada descomposto, estaba como dormida, e sangue saíndo do seu peito coma cando fora asasinada. Pa xustiza este feito abondou para demostrar a culpabilidade de Vasco de Seixas

Enviado por arturocovas@gmail.com o 18/11/2010 ás 20:14:42